

**KUMPUAN**  
RAM LEH HNAM  
HUMHALH

**YMA**

**AW**



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO.47 24<sup>th</sup> November 2013

## Inthlanpui awm tur atan Tlawmngai Pawl-in thuchhuah an siam

Chanmari West, 24<sup>th</sup> November, 2013 : Ni 22.11.2013 (Zirtawp)-khan Tlawmngai pawl hrang hrang- Mizoram Upa Pawl (MUP), Mizo Hmeichhe Insuihkhawm Pawl (MHIP), Mizo Zirlai pawl (MZP), Mizo Student Union (MSU) leh Central YMA hruaitu kalkhawm chuan November ni 25-a MLA inthlan lo awm tur chu ngun takin a thlir a, Mizo mipuite tana tha tur leh kan ram tana tha ber tur nia ngaiin a hnuai ami ang hian inlungual takin thuchhuah an siam:

1 MLA Inthlanpui 2013 neih turah tha tak leh tluang taka inbuatsaihna kalpui mek a nih laia ni 20.11.2013 tlaia rawlrala che pawlte'n Pu B Zahunga, Khawlian, Chalfilh Constituency chu thisen chhuaka kut an thlak(silaia kah) anih hi Central YMA chuan a dem tak zet a ni. Hetianga rawlrala rawva taka che pawl thawhpuitu Political Party chu Mizo mipuiin thlauhthla a, vote lo turin Central YMA chuan a ngen a ni.

2 Mizoram mipuite'n zalen leh thlamuang taka MLA thlanna vote an thlak ngei theih nan sorkar hian

a tihtur dik tak venhimna khauh lehzuala kengkawh turin Central YMA chuan a beisei a ni.

3 Mizoram thendarh zawnga inla hrang chibing pawlte hmatakna ang chi reng reng chu Central YMA-in a dodal zel dawn a, Mizoram impumkhatna atan Central YMA chuan a tul angin hma a la zel dawn.

4 Mizoram hmun hrang hranga Politics thil avanga Mizo mipuite vaubeha thlabara awmte thlamuan leh hnem turin Central YMA chuan CEC Member-te fehchhuak turin ruahmanna a siam a ni.

### RANGVAMUAL LEH PHUNCHAWNGAH KUMPUAN DUTY A NI

Ni 19.11.2013 (Thawhleh) khan Central YMA-in Aizawl City Branch-te Kumpuan bawhzuia Rangvamual leh Phunchawngah kumpuan Duty detailment a siam angin Chanmari West Branch atangin mi 22 duty-in an thawk chhuak a, duty-a thawkchhuakte chungah leh lirthei thawhchhuahpuitute chungah Branch YMA chuan lawmthu a sawi a, chutih rualin member thahnem zawk kan thawk chhuak thei lo chu Branch chuan pawi a ti hle. Duty-te hian zu fun 14 lai an man.

#### Branch OB-te

- Pu K Darthantuanga
- Pu RL Thahnuna
- Tv Zairemmawia

#### Branch Executive Member

- Pu Lalramhluana Hauhnar
- Pu Thanseia
- Pu Lalmuankima Chawhte
- Pu Lalrinsanga
- Pu RK Rozidanga
- Pu Lalchhanhima
- Pu VL Thakima

#### Section atangin

- |                            |     |
|----------------------------|-----|
| 11 Pu Lalliansanga         | (K) |
| 12 Tv Israela              | (K) |
| 13 Pu TC Lalthangliana     | (K) |
| 14 Pu Lalmasaa             | (K) |
| 15 Tv Vanlaldika           | (K) |
| 16 Pu Michael MS Dawngzela | (K) |
| 17 Pu R Ramlawma           | (V) |
| 18 Pu Hmingthanzauba       | (V) |
| 19 Pu EVL Hruaitluanga     | (N) |
| 20 Pu Ricky Lallawmkima    | (N) |
| 21 Pu HVL Zasanga          | (N) |
| 22 Pu Joseph Vanlalnghaka  | (T) |

### Branch News

- Ni 23.11.2013 khan Branch Indoor intihhlimna chu tluang taka zawh fel a ni a, Organizing Committee-inpekna leh member tel zawng zawngte chungah Branch YMA-in lawmthu a sawi.
- Tunkar chhung khan YMA Park-a motor kawng kalna tur sialin thlan hluia ruhro phawrh hnatlang koh a ni a, karleh chho hian hnatlang koh leh tum a ni. Thingpui lum saktu Executive Member Pu TC Lalh mangaiha te chungah Branch YMA in lawmthu a sawi. Member la thawk chhuak ve late hnatlang tura lo inring lawk turin Branch YMA in a ngen.
- Branch Executive Member Pu R Lalmalsawma a fapa awmna Dimapura zin chu dam takin a lo haw leh ta.
- Branch Executive Member Pu RK Rozidanga chhiat tawhna avangin Hnahthialah a zin mek.
- Ni 28.11.2013 (Ninga) zan hian Branch Executive Meeting kohtum ani.
- Ni 22.11.2013 tlai khan CEC Meeting CYMA Office ah that a nia, Pu K Darthantuanga Vice President chu he hunah hian a tel.

### MPF HMINGA BRANCH

#### AIAWHA DUTY TURTE

- Ni 25.11.2013 MLA General Election neih turah inthlanna thianghlim leh felfai tak a awm theih nan MPF hminga Branch YMA aiawha Duty turin heng mite hi a ruat an ni.

- Pu K Darthantuanga  
NI Lalramengi, Pu Lalrinsanga  
Pu VL Thakima, Pu Lalchhanhima  
Pu Vanlaluana, Pu Lalruatsanga  
Pu R Lalmalsawma  
Pu C Zonunsanga, Pu R Lalrinngheta



### TUNKAR CHANGVAWN

Mi fel lo chu mi fel ngaihin tenawm a ni a, tin, dik taka awm mi chu mi suaksual tan tenawm a ni. Thufingte 29:27

Editorial Board

<b>Editor:</b>	R Lalrinngheta	9862358337
<b>Joint Editor :</b>	Lalchhandama	9862358347
	J Lalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	K Lalremtluanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>		
	RL Thanhnuna	9436152760

Branch Office Bearer

<b>President</b>	C Lalzarliana	9436142049
<b>Vice President</b>	K Darthantluanga	9436196071
<b>Secretary</b>	Zairemmawia	9862385654
<b>Asst. Secretary</b>	RL Thanhnuna	9436152760
<b>Treasurer</b>	R. Lalhmachhuana	9436151817
<b>Fin.Secretary</b>	Lalrinliana	9862581814
<b>Adviser-te :</b>	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

Kum khat dawn mai Editorial mumal tak ziak tur chuan ka tlin lo hle tih ka inhmuchhuak chiang ta hle mai. Chhiartute in zahawm thin. Hriat tlem sa nak laiin ka han theihnghilh then thul.

Tun tum chu kan phun ve chiam teh ang. YMA AW ngaihnawm leh bengvar thlak tak, Pathianni tukah chhiar kan chak theuh mai. A enkawltute (a bik takin Editor) en hian thil ropui tak beisei tur a awm lo tih hrereng chung hian thurawn, fuihna leh tanpuina hi kan va dawng khat tehlul em!

Veng chhungah thu leh hla lama mi thiam zawk tam tak kan awm, chutih rual chuan kan theihna leh thiamnate YMA tana pek chhuah kan harsat tlat mai lai hi chu kan inenfiah ve chu a ngai deuh lo maw? Kan chhiar liam a, awm hmun atangin kan sel a, hmasawn tur zawngin thu kan chhakchhuak leh bawk si lo. **Ka tlin ta lo** tia bansen mai pawh keini ang duang tan chuan a awl dawn khawp mai.

Thu leh hla lama sulhnu pakhatmah sawi tur nei lo, Certificate phawrh tur nei miah lo, inpekna tlachham bawk sitan chuan a har thin teh e. Kan Chanchinbuin hma a lo sawn zel theih nan i tang tlang teh ang u, tiin kum tawp dawn ruaiah kan insawm thar leh a ni e.

Tun tum pawh thu leh hla a tlem hle mai. Inthal turin kan rilru a la peng zo nge ni, hreh tak chungin Fakna kan chhuah leh ta, chhiartute hriatthiamna kan ngen e. Article ziak kan dawng lo. Thiam ang tawkin ka han thai liam ve leh ta ngawt a, endiktu vek in ni e.

Article**Kan Mizia hi**

Mangheta Ralte

Mihring mizia leh nungchang zirmite ngaihdan leh pawmdan nen chuan khaikhin chi chu a ni miah lo vang. A ziaktu hi thiamna bik nei lah a ni hek lo. Amaherawhchu, kan nitin nuna kan hmuh mai theih leh kan tawn mek aṭanga sawi chhuah mai ka tum chauh a ni. Mi thiam zawkte chuan Mihringte hi Ze Nghet mi leh Ze Nghet lo mi kan awm an ti ṭhin a. Eng zawk hi nge kan nih tih lo inbihchiang ve ta ila a tha awm e. Mihring piang chhuak tawh phawt chuan Pianpuizia kan ti mai a, nungchang leh rilru puthmang chu kan nei theuh awm e. Chu kan mizia chu kan kum mil zelte pawn danglam thei mah se, thlak theih miah loh chinte pawh kan nei awm e.

Khawvel hnam hrang hrangte pawh hian a hnam ang zawng pawhin zia kan nei a. Mizo hnahthlak peng hrang hrangte pawhin zia kan nei an ti ṭhin (*Ralte bengchheng* han tih maite). A enga pawh chu nise, he hnamzia hi chu zaah za chuan a dik kher lo ang. Tin, tuna kan sawi tum ber pawh a ni lo. Mihringin Zia chi hnih - Ze ng het leh ng het lo kan neih theih dan bik hi lo bihchiang dawn teh ang.

Mizote hi Kristian kan nih hma khan sakhaw mumal tak kan nei lem lo tiin chhui mite chuan an sawi ṭhin a. Kristiannain kan ram a rawn luh takah khan kan lo dawngsawng fuh hrim hrim nge, rei vak loah khan kan ram a chiah hneh ta viau mai a. Kha kha Mizote Ze ng heh loh lutuk vangah a ngaih ve theih tlat. Mahse, chu ze ng het lo tak mai, inthlak awlsam zet chuan thil tha zawkah min hruai lut si. Ze ng het bur mai neiin, kan ngaihdan kha sawhsawn hlei thei talo ila tun dinhmun hi kan thleng pha meuh ang emaw? Chutih rual erawh chuan kan Kristianna zia dah bo thaka ringlo mite tihamw tawk vel pawh ti hreh chuang miah loin kan ziate kan thlak danglam thei leh zel bawk si a, chu chu kan chhiatna tur a lo ni ve leh thei reng bawk nen. Ram pawn lama rawngbawltute (Kristian missionary) hian an sawi ve fo; hnam thenkhat leh sakhaw dang betute ng hehzia leh an sakhuua an rinawmzia hi. Mahse chu chuan chatuan nunna an hmuhna tur kawng a dal ve tlat si.

Mi thenkhat chu ngaihdan mumal pawh nei hlei thei lo khawpa kanghlang, mi tih ang apiang zawm thei mai zel an

awm a. Zu hmuna in ve thei mai, Kohhran an hlim deuh chuan a phur pawl ni ve thei mai bawkte hi ze ng het lo awmdan a ni thei awm e. Hetiang mi hi an eng a thawl a, rilru hahna pawh an nei vak lo. Kawng tam takah chuan mi zingakhawsak an awlsam phah a, an nun a nuam em em lawi si. Tin, an bula khawsak hi mite'n nuam an ti viau zel. Hetiang mi hi chuan an ze ng het lo lutuk hi an chhiatpui tam mah zawk awm e.

Chutih rual chuan Ze ng het bur mai, ngaihdan pawh sawhsawn hlei thei lo leh mite thurualpui hlei thei lote hi an bula awm a hahthlak ve fo. Ze ng het tak mai ho hi chuan; an tih tawh lam an nek vak a, a lehlam an hnualsuat chiam fo. Chu chuan mi dangte a hnarin hmelman insiam palh maite pawh awl tak a ni. Tin, pawl anga thawh honaah phei chuan an hnawksak thei viau. Chutih rual chuan an tha pek tawhna lamah chuan an rintlak em em thung si. Tin, an zia man fuh tawh chuan an ngainatawm ve thei viau thung. Hetiang mi hi an rintlak a, an rin ngam khawp mai.

Kan sawi pawlh a, kan sawi chhe tawn a, kan infak chhawk leh bawk si a. A tha zawk thlang tur pawn ngaihdan siam thiam a har awm e. Engpawh chu nise, sual kawnga tluk phah tur khawp chuan derthawng lo ila, midangte tana hrawn hrehawm tur khawp chuan khauh lo thung ila a tha ber awm e. Mahni chhia leh tha hriatna pawh hmang ngam lo khawpa ng het lo leh mi ngaihdan tha zawk pawh pawm ve mai thei lo khawpa ng heh chu a tha ber kher lo vang, a hun leh hmun a zir a ni e, tiin ti tawp ta mai ila, thutlukna chu chhiartute kutah a awm e.

**HRIATTIRNA**

Chanmari West veng chhungah BLO te'n Voter's Slip an sem zo ta a, hmaih palh emaw mahni awmna hlui section Roll-a la awmte emaw veng danga pasal nei leh zin bo te, heta vote thlak tumte chuan mahni section BLO-te hnenah Ni 17.11.2013 ral hmain ngaihven tura hriattir leh ngen kan ni e.

**ZOFA**

- Ni 30.11.2013 (Inrinni) hian Hmuifang Tlanga Thalfavang Kut hman turah Siktuithiang lam entir turin an inbuatsaih mek a, Ni 25.11.2013 (Thawhtan) zan dar 7:30-ah YMA Zawlbukah lam zir leh tur a ni a, member-te kim taka kal turin an inhriattir.
- Lam zir nana phal taka YMA Zawlbuk hmantirtu Chanmari West Branch YMA chungah an lawm hle.

**BADMINTON**

- Member inkhel thinte uluk taka Hall enkawl turin an inchah.
- Naupang tan hetiang hian inkhelh hun an siam: Thawhtan, Nilai leh Zirtawp zing dar 5:00-6:30
- Monthly Fee (Puitling tan ₹ 50, naupang tan ₹ 20) pe theuh turin inkhel thinte an inhriattir.

**CWSC**

- ADFA 3<sup>rd</sup> Div Tournament ni 28.11.13 aṭāṅga ṭān tur a ni a, MPL U-17 ni 9.12.13 aṭāṅga khelh tur a ni bawk a, Players te zingtin 6:30 ah High School Field a kal turin an inchah.
- Hruaitute PPP Mode, Monthly Donation leh Vengchhung donation te a ranglama tifel turin an in hriattir.
- Vawiin tlai dar 3:00 hian CWSC President Pu T Bualzika te inah CWSC OB-te leh Football sub committee O.B te emergency meeting neih tur a ni.

- MPL khelh ṭānpui nan Civil Pensioners Association ten ₹ 1,000 lai an rawn pe a, an chungah lawmthu an sawi tak meuh a ni.
- Kar hmasa Tih hmaih: MPL Players te Chawhlui kilpui tu Pu T. Bualzika, President, CWSC, te chhungkaw chungah lawmthu an sawi.

**HLMI TUI**

Tui thianghlim tak 207-in  
2000 lts. kan pe thei reng e, a  
pumpna khawl leh pipe sei  
kan nei bawk e.

Ph. 9120357528, 9612164673  
(4-4)



- \* Drug leh mipat hmeichhiatna avanga harsatna i neih chuan 1097 phone rawh.
- \* HIV/AIDS chungchanga inrinhlelhna/ harsatna/zawhfiah/hriatbelh duh i neih chuan 1097 phone rawh.
- \* Mizoram chhung khawi aṭang pawhin BSNL aṭangin 1097-ah hian man chawi lovin a phone theih reng e.
- \* 1097 hi Professional Counselor-te'n an ṭhut chilh reng a ni.
- \* I nihna leh i hmel hriattir ngai lovin i harsatna hrang hrang i zawtfiah thei reng a ni.